

22. Dat Wasser vun Kölle

(Solo: Heidi)

Alle: Oh lee-ver Jott, jev uns Wasser, denn janZ Kölle hät Doosch!
Oh lee-ver Jott, jev uns Wasser, und helf uns in d'r Nut.

Solo: Ming Blome losse alles hänge.

Alle: Wä hilf in d'r Nut?

Solo: D'r Wellensittich es wie jeck am schänge.

Alle: Dä Jung hät secher Woot!

Solo: Uns Joldfesche han de Auge deck,

Alle: un sagen keine Ton.

Solo: De Waschmaschin spillt total verröck.

Alle: Worüm hät d'r Minsch Calgon?

Solo: (*Chor:* doo) Ming Film entwick'Ich ovends em Rhing,
dat jeiht janZ joot, denn do is alles drin.
(*Chor:* aah) och wemmer av un zoo dä Dönnschiss han,

Alle: mer jlöven wigger dran:

Alle: Dat Wasser vun Kölle es jot! *Solo:* Oh ja, dat es esu jot!
Dat Wasser vun Kölle es jot! *Solo:* Ja, ja, da schmeckt esu jot!

Alle: Dat Wasser vun Kölle, Wasser vun Kölle,
dat Wasser vun Kölle es jot! *B:* so jot, so jot.

Alle: Oh lee-ver Jott, jev uns Wasser, denn janz Kölle hät Doosch!
Oh lee-ver Jott, jev uns Wasser, und helf uns in d´r Nut.

Solo: Nierenstein sin schwer am kumme.

Alle: Oh Herr, wat deit dat wih!

Solo: Och d´r Hoor-usfall dä hät zujenomme.

Alle: Do hilf kei Böschte mih!

Solo: Alle Wasserröhre sin total verstopp.

Alle: Die dröppe für sich hin.

Solo: Om Kaffee schwemp ´ne fiese Ölfilm drop.

Alle: Wie kütt dat Öl darin?

Solo: (*Chor:* doo) Uns Feuerwehr die es bestemp nit schläch,
doch wenn se löscht, Jung, dann brennt et eets räsch,
(*Chor:* Aah) oh Herr, dun a Wunder, üvverlächt et dir, sonst stömmert

Alle: morje vür dinger Tür.

Alle: Dat Wasser vun Kölle es jot! *Solo:* Oh ja, dat es esu jot!
Dat Wasser vun Kölle es jot! *Solo:* Ja, ja, da schmeckt esu jot!

Alle: Dat Wasser vun Kölle, Wasser vun Kölle,
dat Wasser vun Kölle es jot! *B:* so jot, so jot.

Solo: Oh leever Jott, (*Chor wdh.*) jev uns Wasser, (*Chor wdh.*)
denn jan z Kölle (*Chor: jan z Kölle*)
hät Doosch. (*Chor: jan z Kölle hät Doosch*)
Oh leever Jott, (*Chor wdh.*) jev uns Wasser, (*Chor wdh.*)
und helf uns in d'r Nut.

Alle: Dat Wasser vun Kölle, Wasser vun Kölle,
dat Wasser vun Kölle es jot, so jo-o-o-t!

Alle: Oh lieber Gott, gib uns Wasser, denn auch Halle hat Durst.
Oh lieber Gott, nicht nur Wasser, und hilf uns in der Not.